





第一〇八三冊

四庫全書

●上海古籍出版社

本冊目次

李羣玉詩集	後	黎嶽集	孫可之集	麟角集	附省題詩	曹祠部集	附曹唐詩	文藪書	笠澤藁書	甫里集	附	咏史詩錄	雲臺編	司空表聖文集	韓內翰別集	附新唐書本傳	唐風集
-------	---	-----	------	-----	------	------	------	-----	------	-----	---	------	-----	--------	-------	--------	-----

唐李羣玉撰……………一	唐李頻撰……………三九	唐孫樵撰……………六三	唐王棨撰……………九五	宋王蘋輯錄……………九五	唐曹鄴撰……………一二七	唐曹唐撰……………一二七	明蔣冕輯……………一五三	唐皮日休撰……………一五三	唐陸龜蒙撰……………二二九	唐陸龜蒙撰……………二二九	唐陸龜蒙撰……………二七九	唐胡曾撰……………四一七	唐鄭谷撰……………四四九	唐司空圖撰……………四八七	唐韓偓撰……………五四七	唐杜荀鶴撰……………五八三
-------------	-------------	-------------	-------------	--------------	--------------	--------------	--------------	---------------	---------------	---------------	---------------	--------------	--------------	---------------	--------------	---------------

欽定四庫全書

集部

李羣玉詩集卷上至下

詳校官監察御史臣查瑩

檢討臣何思鈞覆勘

總校官知縣臣楊懋珩

校對官中書臣雷純

謄錄監生臣牟焜

欽定四庫全書

集部二

李羣玉詩集

別集類一唐

提要

臣等謹案李羣玉詩集三卷後集五卷唐李羣

玉撰羣玉字文山澧州人大中八年詣闕進

詩授宏文館校書郎其集首載羣玉進詩表

及令狐綯薦狀鄭處約所行制詞表稱歌行

古體今體七言今體五言四通合三百首考

欽定四庫全書

李羣玉詩集

劉禹錫作柳宗元集序稱四十二通則唐時

以一通為一卷今本三卷已與表不合又表稱

三百首而今本正集僅一百三十五首後集亦

僅一百一十三首合之尚不足三百之數觀中

卷之末有出春明門一首自注曰時請告歸則

此集雖仍以歌行古體今體七言今體五言

分目而已兼得官以後之詩非復奏進之原

本矣太平廣記載羣玉遇湘君事甚異其詩

今載後集第三卷然前一首為弔古之詞無

媒襲之意後一首寫當時棹女與二妃尤不

相關況羣玉雖放誕風流亦豈敢造作言語

瀆慢神明汚蟻古聖因其詩為時傳誦小說

家因造此事附會之洛神記為感甄李善至

引以注文選俗語丹青往往如是未可據為

實錄也乾隆四十六年正月恭校上

欽定四庫全書

李羣玉詩集

總纂官臣陸錫熊臣孫士毅

二

總校官臣陸費墀

李羣玉進詩表

草澤臣羣玉言臣宗緒凋倫邱山賤品幽沉江澤分託
漁樵伏遇皇帝陛下運屬升平車王歡泰沐雨露亭育
之化在薰風長養之間願同率舞之誠遠遜越裳之貢
頃以鼓腹黜華之代怡情林阜之隈涵咏皇風殆忘仕
進以至年踰不惑疴癘暴侵但慮寒饑江湖之濱與枯
魚涸蚌為伍矇目黃壤虛謝文明是以徒步負琴遠至
輦下謹捧所業歌行古體今體七言今體五言四通等

欽定四庫全書

李羣玉詩集

合三百首謹詣光順門昧死上進伏以卿雲在天草木
五色廣野之氣燭為祥烟熙熙含生盡躋壽域向日亭
午物無斜陰而方今風后提衡庶尹咸又言語侍從之
列皆嚴徐班馬之倫凡在墨客詩人歌咏聲名文物不
暇何議諷刺興於筆端臣所貢前件歌詩以居住沅湘
宗師屈宋諷江蘭蒲蕩思搖情蕪賴之餘過於飄野天
廷不到徒窺星漢之高滄海攸歸豈阻潢汙之陋然則
嬰桐不爆俄成曲突之烟埋劍無光永作幽泉之鐵已

濮下調虞觸天聰螻蟻之微伏侍刑戮謹拜表陳獻以聞無任焚灼隕越屏營之至臣羣玉誠惶誠恐頓首死罪謹言

延英口宣勅旨

卿所進歌詩異常高雅朕已遍覽今有少錦綵器物賜卿宜令領取夏熱卿比平安好

欽定四庫全書

李羣玉詩集

二

薦處士李羣玉狀

學士僕射
令狐綯

右苦心歌篇屏跡林壑佳句流傳於衆口芳聲藉甚於一時守道安貧遠絕名利當文明之聖代宜備搜羅俾典校於瀛洲傳光志業臣綯等今日延英已面陳奏狀伏奉聖旨令與一文學官者臣等商量望授弘文館校書郎未審可否謹具奏聞伏聽勅旨

制詞

李羣玉放懷邱壑吟詠情性孤雲無心浮磬有韻吐妍詞於麗則動清律於風騷冥鴻不歸羽翰自逸霧豹遠

欽定四庫全書

李羣玉詩集

一

迹文彩益奇信不試而逾精能久貞而獨樂念其求志可以言詩用示繫維命之刊校可守弘文館校書郎中書侍郎兼戶部尚書平章事臣令狐綯宣奉司勳郎中知制誥臣鄭處約行

欽定四庫全書

李羣玉詩集卷上

歌行古體

烏夜啼

層波隔夢時一望青楓林有鳥在其間達曉自悲吟是
時月黑天四野烟雨深如聞生離哭其聲痛人心悄悄
夜正長空山響哀音遠客不可聽坐愁華髮侵既非蜀
帝魂恐是桓山禽四子各分散母聲猶至今

欽定四庫全書

李羣玉詩集
卷上

寄短書歌

骨月萍蓬各天末十度附書九不達孤臺冷眼無求人
楚水秦天莽空濶翔鴈橫秋過洞庭西風落日浪崢嶸
三年音信凝顰外一曲哀歌白髮生

昇仙操

羸女去秦宮瑤簫飛碧空鳳臺閉烟霧鸞吹飄天風復
聞周太子亦遇浮邱公叢篁發天弄輕舉紫霞中濁世
不久駐清都路何窮一去霄漢上世人那得逢

王內人琵琶引

檀槽一曲黃鍾羽細撥紫雲金鳳語萬里漠南海塞秋
分明彈出風沙愁三千娥嬪推第一欽黛傾鬟艷蘭室
羸女停吹降蒲簫帝城淨掩空波瑟瑟幙橫雲蠟焰光
銀龍吐酒菊花香皓腕頻翻纖指冷悠悠清響出昭
陽

醒起獨酌懷友

西風靜夜吹蓮塘芙蓉破紅金粉香摘花把酒弄秋芳
吳雲楚水愁茫茫美人此夕不入夢獨宿高樓明月涼

欽定四庫全書

李羣玉詩集
卷上

競渡時在湖外偶成

飄忽電逝三千兒綵舟畫楫射初暉喧江雷鼓鱗甲動
三十六龍衝浪飛雲壺昔日投湘死千古沉魂在湘水
綠草斜烟日暮時笛聲幽遠愁江鬼

雨夜呈長官

遠客坐長夜雨聲孤寺秋請量東海水看取淺深愁愁
窮重於山終年壓人頭朱顏與芳景暗赴東波流鰓賦

俟風水青雲方阻修孤燈冷素艷蟲響寒房幽借問陶淵明何物號忘憂無因一酩酊高枕萬情休

小弟禮南遊近書來

湘南客帆稀遊子寡消息經時停尺素望盡雲邊弢笑言憑夢寐獨立想容色落景無來人脩江入亭白停倚門念瑟瑟風雨夕何處泊扁舟迢遞湍波側秋歸舊窓竹永夜一凄寂吟爾眷令篇中宵慰相憶

贈方處士

欽定四庫全書

李賀五詩集
卷上

三

白衣方外人高閑溪中鶴無心戀稻粱但以雲泉樂三霄終得意天地俟飛躍歲晏入帝鄉期君在寥廓

秋思

瑟瑟涼海氣西來送愁容金風死綠蕙玉露生寒松所思在冥碧無因一相逢登樓睇去弢目盡滄波重虛窓度流螢斜月啼幽蛩疎紅落殘艷冷水凋芙蓉歲暮空太息年華隨遺踪凝情取不寐攬涕起踈慵

感春

春情不可狀艷艷令人醉暮水綠楊愁深窓落花思吳宮新暖日海燕雙飛至愁思逐烟光空濛滿天地

山中秋夕

抱琴出南樓乘爽浮雲滅松風吟洞簫竹路踏碎月後山鶴唳定前浦荷香發境寂良夜深了與人間別將遊羅浮登廣陵楞伽臺別羽客

清遠登高臺晃朗縱覽歷濯泉喚仙風於此盪靈魄冷光激遠目百里見海色送雲歸蓬壺望鶴滅秋碧波瀾

欽定四庫全書

李賀五詩集
卷上

收日氣天上回澄寂百越落掌中十洲點空白身居飛鳥上口詠玄元藉飄如出塵龍想望吹簫客冥冥人世間歌笑不足惜場來羅浮顛披雲踈琉璃謝公雲岑興可以躡高跡吾將抱瑤琴絕境縱所適

廬溪道中

晚發潯溪亭夜宿潯溪水風篁掃石瀨琴聲比十里光奔覺來眼寒落夢中耳魯高三峽行巴江亦如此

湖中古愁

涼風西海來直渡洞庭水
脩脩木葉下白浪連天起
蘅蘭委皓霜百草一時死
摧殘負志人感嘆何窮已

又

昔我親雲夢窮秋徑汨羅
靈均竟不返怨氣成微波
奠醑開古祠朦朧入幽蘿
落日滿湘上淒涼吟九歌

又

南雲哭重華水死悲二女
天邊九點黛白骨迷處所
朦朧波上瑟清夜降北渚
萬古一雙魂飄飄在烟雨

欽定四庫全書

李詩五時集

別狄佩

梁公玄孫旅于南國

翠柳不着花鳳雛長恐饑
未開丹青翮空把碧梧枝
聖人奏雲韶祥鳳一來儀
文章耀白日衆鳥莫敢窺
花柳不自言凡鳥何由知
當看九十仍飛出太平時

古鏡

明月何處來朦朧在人境
鑄非軒轅作妙絕世莫並
瑤匣開旭日白電走孤影
泓澄一尺天澈底涵霜景
冰輝凜毛髮使我肝膽冷
忽驚行深幽面落九秋井
雲天入

掌握真朗神魂淨不必負局仙
金沙發光炯陰沉蓄靈怪
可與天地永恐為悲龍吟飛
去在俄頃

我思何所在

我思何所在乃在陽臺側
良宵相望時空此明月色
歸魂泊湘雲飄蕩去不得
覺來理舟楫波浪春湖白
烟光結楚秋瑤草不惡摘
因書天末心繫此雙飛翼

送蕭綰之桂林

時遊豫章

蘭香佩蘭人三弄蘭江春
爾為蘭陵秀芳藻常倫粲

欽定四庫全書

李詩五時集

粲鳳池喬一毛今再新竹
花不給口憔悴清湘濱一
朝南溟飛彩翮不可親
蒼梧雲水晚離思空凝
嘖我亦縱舟楫西浮彭蠡
津文采未虎變落魄甘風
塵大禹惜寸陰況我無才
身流光銷道路以此生嗟
辛萬里濶分袂相思香難
申桂水秋更碧寄書西上
鱗

感興

子雲吞白鳳遂吐太玄書
幽微十萬字枝葉何扶疎
婉孌猛虎口甘言累其初
一觀美新作斯瑕安可除

又

昔竊不死藥，奔空一姝娥。盈盈天上孤，艷潔栖金波。纖女年無別，長宵隔銀河。軋軋揮素手，幾時停玉梭。

又

洞房三五夕，金缸凝睇滅。美人抱雲和，斜倚紗窗月。沉吟想幽夢，閨思深不說。絃冷玉指寒，含嚔達明發。

又

雁口銜邊秋，寒聲落燕代。先驚愁人耳，顏髮潛銷改。凝雲蔽洛浦，夢寐勞光彩。天邊無書來，相思淚成海。

欽定四庫全書

李詩玉詩集

卷上

將之吳越留別坐中諸侶

秋色滿水國，江湖興蕭然。氛埃歛八極，萬里淨澄鮮。淦浦縱孤棹，吳門渺三千。迢迢隨衡陽，雁南入洞庭。天早聞陸士龍，矯掌誇山川。非思鱸魚膾，且弄五湖船。暝泊遠浦，霞晚飯蘆洲。烟風流訪王，謝佳境。恣洄沿，雷剪別岬。柳香枯北池，蓮歲華坐搖落。戚戚感流年，明朝即漂萍。離恨無由宣，相思空江上。何處金波圓。

大雲池泛舟

九月蓮花死，萍枯霜水清。船浮天光遠，棹拂翠瀾輕。古木葉凋脫，了無烟靄生。游鱗泳皎潔，洞見逍遙情。漁父一曲歌滄浪，遂知名未知。斯水上，可以濯吾纓。

送友人之峽

東吳有賦客，願識陽臺仙。彩毫飛白雪，不減郢中篇。楚水五月浪，輕舟入暮烟。巫雲多感夢，聲楫早回旋。

登宜春醉宿景皇寺寄鄭判官兼簡空上人

欽定四庫全書

李詩玉詩集

卷上

曉發碧水陽，暝宿金山寺。松風洒寒雨，浙漚醒餘醉。夜中香積飯，蔬粒俱精異。境寂滅塵愁，神高得詩思。皎皎榮陽子，芳春富才義。派海豁心源，水壺見門地。碧霄自有序，未展聯行翅。但笑一尺繩，三年絆驥驥。摧藏擔簦客，辭抑曾襟事。名業兩未從，臨風嘿舒氣。一身眇雲嶺，中夜空涕泗。倒枕對孤燈，衾寒不成寐。糧薪極桂玉，大道生荆棘。恥息惡木陰，難書劍歌意。揚鞭入莽蒼，山驛後烟翠。越鳥日南飛，芳音願相次。

靜夜相思

山空天籟寂水榭延輕涼浪定一浦月藕花開自香

江樓獨酌懷從叔

水國發寒氣川光靜高秋酣歌金樽醪送此清風愁楚
色忽滿目灘聲落西樓雲翻天邊葉月弄波中釣芳意
悵搖落蘅蘭謝汀洲長吟碧雲合悵望江之幽

登章華樓

楚子故宮地蒼然雲木愁我來覽後事落景空生愁霸

欽定四庫全書

李商隱詩集
卷上

九

業沒荆棘雄圖成古邱沉吟問鼎語但見東波流征鴻
引鄉心一去何悠悠晴湖碧雲晚暝色空高樓迢遞超
遠嶠微茫入孤舟客路不堪望西風白波稠

驄馬

浮雲何權奇絕足世未知長嘯清海風蹀躞振雲絲由
來渥洼種本是蒼龍兒虜王不再活無人崑閬騎若識
躍嚙怯寧勞耀金羈青芻與白飯空笑驚駘肥伯樂倘
一見應驚耳長垂當思八荒外逐日向瑤池

贈方處士兼以寫懷

天與雲鶴情人間恣詩酒龍宮奉玉籍吐詞一千首清
如南薰絲韻若黃鐘吼喜於風騷地忽見陶謝手籍籍
九江西篇篇在人口芙蓉為芳菲未落諸花後所知心
眼大別自開戶牖才力似風鵬誰能弄升斗無營傲雲
竹琴帙靜為友鸞鳳戢羽儀駢驥在郊薮鏡湖春水綠
越客憶歸否白衣四十秋逍遙一何久此身無定跡又
逐浮雲走離思書不窮殘陽落江柳

欽定四庫全書

李商隱詩集
卷上

十

湘西寺齋夜

西過琉璃宮佳興浩清絕松風吟晴灘竹路踏碎月月
波蕩如水氣爽星朗滅皓皓千樹霜崢嶸巖岩雲後山
鶴唳斷前池荷香發境寂涼夜深神思空飛越

傷思

八月白露濛芙蓉抱香死紅枯金粉墜零落寒塘水西
風團葉下疊榭參差起不見棹歌人空垂綠房子
送鄭京昭之雲安

君吟高唐賦路過巫山渚莫令巫山下幽香惹雲雨軼
事幾千年芳名今尚傳空留荆王館巖嶂深蒼然楚水
五月浪輕舟入蘋烟送君揚楫去愁絕郢城篇

送處士自番禺東遊便歸蘇臺別業

啞乳暮江上櫓聲搖落心宛陵三千里路指吳雲深蓼
菜動歸興忽然聞會吟南浮龍川月東下敬亭岑多君
詠逍遙結蘿碧溪陰高龍華亭鶴靜對幽巖琴汗漫江
海思傲然抽冠簪歸歟未云寂還許應追尋二陸文苑
欽定四庫全書

李詩五排集

上

法華微上人感話金山境勝舊遊在目悵然有

感

江上青蓮宮人間蓬萊島烟霞與波浪隱映樓臺好潮
聞梵音淨海日天光早願與靈鷲人吟經此中老

自洞庭入澧江寄已邛故人

四月桑半枝吳蚕初弄絲江行好風日燕舞輕波時去

事旋成夢來歡難預期惟憑東流水日夜寄相思

自澧浦東遊江表途出已邱投員外從公廩

短翮後飛者前板鷺鶴翔力微應萬里矯首空蒼蒼誰
昔探花源考槃西岳陽高風動商洛綺皓無馨香一朝
下蒲輪清輝照岩廊孤醒看衆醉古道何由昌經術震
浮盪國風掃齊梁文襟即玄圃筆下成琳琅霞水散吟
嘯松筠卷琴觴冰壺避皎潔武庫羞鋒鏑小子書代耕
束髮頗自強艱哉水投石壯志空摧藏十年侶龜魚垂
欽定四庫全書

李詩五排集

上

頭在沅湘已歌掩白雪鮑肆埋蘭芳騷雅道未消何憂
名不彰饑寒束困厄默塞飛星霜百志不成一東波擲
年光塵生脫粟甑萬里違高堂中夜恨火來焚燒九回
腸平明梁山淚綠枕沾匡床依泊洞庭波木葉忽已黃
哀砧搗秋色曉月啼寒蟬復此棹孤舟雲濤浩茫茫未
門待媒勢袒褐誰掄揚仰羨野陂鳥無心憂稻梁不如
天邊雁南北皆成行男兒白日間變化未可量所希困
辱地剪拂成騰驤昨筆話肝肺詠茲枯魚章何由首西

路目斷白雲鄉

洞庭驛樓雪夜燕集奉贈前湘州張員外

昔與張湘州閒登岳陽樓目窮衡巫表興盡荆吳秋擲
筆落郢曲巴人不能酬是時簪裾會景物窮真搜誤忝
玳筵秀得陪文苑遊幾篇雲楣上風雨沉銀鉤

湘中別成威閣黎

至哉彼上人水霜凜規則遊心杳何境宴坐入冥嘿解
空與密行名臘信崇德吐論駕秋濤龍宮發胸臆正迷
欽定四庫全書

李華王詩集

注

行大夜浩浩一昏黑赤水千丈深玄機幾人得持盃
溟漲至理安可測寧假喻芭蕉真成嘆蘆菰松聲掃白
月霽夜來靜域清梵罷法筵天香滿衣襟何方濟了岸
祇仗慈航力願與十八賢同棲翠蓮國

別尹鍊師

吾家五千言至道懸日月若非函關令誰駐流沙說多
君飛昇志機悟獨起拔學道玉笥山燒丹白雲穴南窮
衡疑秀採藥歷幽絕夜卧瀑布風朝行碧巖雪同官四

百日玉籍恣探閱從以茵蕙安緬攀脩真說塵籠罩浮
世遐志空飛越一罷碁酒歡離情滿寥泝願騎紫蓋鶴
早向黃金闕城市不可留塵埃穢仙骨

岳陽春晚

不覺春物老塊然湖上樓雲沙鷗鷓鴣思風日沅湘愁去
翼減雲夢來帆指昭邱所嗟芳桂晚寂寞對汀洲

漢陽春晚

漢陽抱青山飛樓映湘渚白雲蔽黃鶴綠樹藏鸚鵡憑
欽定四庫全書

李華王詩集

十

高送春日流恨傷千古遐思福衡才令人怨黃祖

將離澧浦置酒野嶼奉懷沈正字昆仲三人聯
登高第

春月三改兔花枝成綠陰年光東流水浩數傷暮心酌
桂烟嶼晚鷓鴣鳴江草深良圖一起忽萬恨空相尋上國
刈翹楚才微甘陸沉無燈假貧女有淚沾牛食衡岳三
麒麟各振黃鐘音卿雲被文綵芳價傾詞林夫子芸閣
英養鱗湘水潯晴沙踏蘭菊隱几當青岑明月洞庭上

悠揚掛離襟停盃一搔筆聊寄生蜀吟

滄洲

童兒待郭伋竹馬空遲留路指雲漢津誰能吟四愁銀
壺傲海雪青管羅名譚賤子跡未安謀身拙如鳩分隨
烟霞老豈有風雲求不逐萬物化但貽知己羞方窮立
命說戰勝心悠悠不然蹲會稽釣下二五牛所期波濤
助燁赫呈吞舟

送鄭子寬棄東遊便歸女几

欽定四庫全書

李華玉詩集
卷上

五

八月湖浸天揚帆入秋色岷峨雪氣寒漲瀟湘碧子
真冥寫志不逐籠下翼九女疊雲屏千鳥恣栖息新詩
山水思靜入陶謝格因醉松花春追攀紫烟客相逢十
年舊頓笑等歡感白飯玉露蔬中腸展堆積停食不盡
意傾景悵可惜雲水一分飛離憂洞庭側迴車三卿路
仙菊正堪摘寄謝杜蘭香何年別張碩

長沙九日登東樓觀舞二首

南國有佳人輕盈綠腰舞華筵九秋暮飛袂拂雲雨翩

如蘭茗翠一作綠
祥烟泛婉若遊龍舉越艷龍前溪吳姬停

白紵

慢態不能窮繁曲恣向終低回遭被浪凌亂雪繁風墜
珥時流眄脩裾欲遡空唯愁捉不住飛去逐驚鴻

龍山人惠石廩方及團茶

客有衡岳隱遺余石廩茶自云凌烟露採掇春山芽珪
壁相壓疊積芳莫能加碾成黃金粉輕嫩如松花紅爐
疊霜枝越兒斟井花灘聲起魚眼滿鼎漂清霞凝澄坐

欽定四庫全書

李華玉詩集
卷上

五

曉燈病眼如蒙紗一甌拂昏寐襟裾開煩拏顧渚與方
山誰人留品差持甌默吟咏搖膝空咨嗟

宿烏遠峽化臺遇風雨

孤鶴長松巔獨宿萬巖雨龍湫在石脚引袂時一取驚
風折喬木飛焰獵窓戶半夜霹靂聲萬齋有人語

李羣玉詩集卷上

欽定四庫全書

李羣玉詩集卷中

今體七言

長沙春望寄洛陽故人

清明別後雨晴時
極浦空顰一望眉
湖畔春山烟點點
雲中遠樹黑離離
依微水戍聞疎鼓
掩映江村見酒旗
風暖艸長愁自醉
行吟無處寄相思

金塘路中

欽定四庫全書

李羣玉詩集

山川楚越復吳秦
蓬梗何年是佳人
黃葉黃花古城路
秋風秋雨別家人
冰霜怯度禽於凍
桂玉愁居帝里貧
十口繫心拋不得
每回回首即長顰

自遣

翻覆升沉百歲中
前途一半已成空
浮生暫寄夢中夢
世事如聞風裏風
脩竹萬竿資閑寂
古書千卷任窮通
一壺濁酒醺和景
誰謂陶然失馬翁

送于少監自廣州還紫邏

鳴高山水似麻源
謝監東還憶故園
海嶠烟霞輕逸翰

洛川花木待回軒
宦情薄去詩千首
世事閒來酒一罇

明日書中見顏范如應籍籍入金門

石門韋明府為致東陽潭石卿贈

錦鱗銜餌出清漣
暖日江亭動贈筵
疊雪亂飛消暑底
散絲繁灑拂刀前
太湖浪說朱衣鮒
漢浦休誇縮項鰣
俊味品流知第一
更勞霜橘助芳鮮

規公業在淨名得其深義僕近獲顧長康月宮

欽定四庫全書

李羣玉詩集

真影對戴安道所畫文殊走筆此篇以屈瞻

禮

五濁之世塵冥冥
達觀栖心於此經
但用須彌藏芥子
安知牛跡笑東溟
如公吐辯真無敵
顧氏傳神實有靈
今日淨開方丈室
一飛白足到茅亭

玉真觀

高情帝女慕來鸞
紺髮初簪玉葉冠

公主玉葉冠時人
莫計其價珍貴無

比秋月無雲生碧落
素萼含露出清澗
層城烟霧將歸

遠浮世塵埃久住難一自蕭聲飛去後洞庭深掩碧瑤壇

辱綿州于中丞書信

一絨垂露到雲林中有孫陽念驥心萬木自凋山不動
百川皆早海長深風標想見瑤臺鶴詩韻如聞綠水琴
他日縱陪池上酌已應難到暝猿吟

送崔使君蕭山橋雨甘澤遽降

謝公一拜敬亭祠五馬旋歸下散絲不假土龍呈天矯

欽定四庫全書

李華五言集
卷中

三

自然石燕起參差預聽木稼如雲語應有空濛似霧詩
已向為霖報消息潁川徵詔是前期

重經巴邱

開成初陪故員外
從翁詩酒泛游

昔年高接李膺歡日泛仙舟醉碧瀾詩句亂隨青草落
酒腸俱逐洞庭寬浮生聚散雲相似往事微冥夢一般
今日片帆城下去秋風回首淚闌干

湘陰江亭却寄友人

湘岸初晴淑景遲風光是客愁時幽花夜落騷人浦

芳草春深帝子祠往事隔年如過夢舊遊回首謾追思
烟波自此扁舟去小酌聯文杳未期

哭郴州王使君

銀章朱紱照雲駟六換魚書惠化崇瑤樹忽傾蒼栢下
醉鄉翻在夜臺中東山妓逐飛花散北海尊隨逝水空
曾是綺羅筵上客一來長慟向春風

九日巴邱楊公臺宴集

淒淒霜日上高臺水國秋深客思哀萬壑銀山寒浪起

欽定四庫全書

李華五言集
卷中

四

一行斜字早鴻來誰家搗練孤城暮何處題衣遠信回
江漢路長身不定菊花三笑旅萍開

奉和張舍人送秦鍊師歸岑公山

仙翁歸臥翠微岑一葉西風月峽深松徑定知芳草合
玉書應念素塵侵閒雲不繫東西影野鶴寧傷去住心
蘭浦蒼蒼春欲暮落花流水思離襟

送陶少府赴選

陶君宦興本蕭疎長倚青山碧水居久向三茅窮藝術